

stößt es alles mit weißem Wein/ vnd ein wenig Gebranntenwein/ darnach truckets auß/ vnd trincket darvon/ fünff oder sechs Finger tieff. Legt auff das Pestilenzgeschwär ein warm weich Brot/ Oder ein Zwiebel voll Zyracks/ der in der Eschen abratet sene.



Ein sonderlich offti bewehrt Arzney für die Pest ist: Nemet die beste Salben/ Kauten/ Beyfuß/ oder Sanct Johannis gürtel/ vnd Berman/ von jedem ein Hand voll/ hacket die Kräuter sehr klein/ oder thuts in ein gläsern oder irrdin Gefäß/ welches gar sauber sene/ sampt einer halben Maß guten weißen Weins/ vermacht das Gefäß gar eigentlich/ daß kein Luft dazu komme/ vnd laßt es auff fünff vnd zwenzig stunden sich vnter einander erbeissen/ demnach distilliert es/ vnd brauchets.

Zu einer Praeseruatif aber/ oder zur veruahrung für dieser Plag/ sol man in der Wochen ein oder zweymal von dem gedachten Wasser etwas gebrauchen/ sampt ein wenig Zyracks.

Ein andere Arzney: Nemet Kauten/ rauhe oder wolliche Männ/ Schelwurz/ Berman/ von jedem ein gute Hand voll/ stoffets gar wol in einem Mörsel/ darnach thuts in einen irrdin Hasen/ vnd giesset darüber etwas minder denn ein Schoppen oder halbs Maßlin weißen Weins/ lassets auff zwölff stunden den Wein vber den Kräutern stehen: Darnach stoffets wider im Mörselstein/ vñ folgendts thuts widerumb in den Hasen: Darnach gisset wider ein Pintel des besten Gebranntenweins darüber/ vnd lassets es also auff vier vnd zwenzig stunden zusammen erbeissen/ nachfolgendts seihets durch ein Leinen Tuch/ vñ thut die gedachte Brüh in ein Gläsern schaal/ die stark sey/ vnd behalts also zur Notdurfft.

Wirt denn einer mit der Pest angegriffen/ so muß man im zween oder drey Finger hoch auß dem Glas eingeben/ vñ darnach ihn darauff schweizen lassen/ vnd zu letzt in wol abdrucknen. Gleichwol erfordert es die Noth/ daß der Kranck zwö stunde vngeessen bleibe/ ehe er die gemeldte Arzney einneme.

Vnd zwar solche Arzney ist dermassen bewehrt/ daß von Gottes Gnaden die jenigen gesund seind worden/ welche es innerhalb vier vñ zwenzig stunden/ Ja innerhalb zweyen Tagen/ nach dem sie das böß angestossen hat/ gebraucht haben: Vnd ist ein herrlich Praeseruatif/ oder Gifftvorwarnung/ wenn man an den Orten/ da die Pestilenz regiirt/ die Augen/ Naseneck/ Ohrenwirbel vnd Schallswinkel damit reibet/ oder bestreichet/ denn es veruahret vor bösem Luft.

Der Safft von Scabiosen/ oder Pastementkraut/ hat solche krafft/ daß sie nicht allein einen veruahret/ Sondern wenn auch einer allbereit von dem bösen ding angegriffen ist/ errettet vnd hilfft es ihm/ so es bald zu anfang eingegeben wirt.

Oder esset alle Morgens vnd Abends/ einer Nuß groß feischen Butter: Wirt euch aber die Butter hinab zu bringen beschwerlich/ möcht ihr ein wenig weißen Wein darauff trincken.

Das Pestilenzgeschwär zu offnen: Nemet Säwdüthen vnd Sawricig/ oder Höfel vom Rocken/ stoffets vnd kuetters vnter einander/ vnd legt es darnach vber/ gleichsam wie ein Pflaster/ so werdet ihrs bald offen befinden.